



UNIVERSITÄTS-  
BIBLIOTHEK  
PADERBORN

**BREVIS|| INSTRVCTIO|| AD CORROBORAN-||DOS AC  
IVVANDOS MO-||RITVROS, EOS PRAESERTIM|| qui ob  
flagitia sua, publica Iudi-||cum sententia morti ad-||dicti  
sunt:||**

**Isella, Francesco**

**Coloniae Agrippinae, 1588**

**VD16 I 344**

Articulus XIX.

---

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

IVVANDOS MORIENTES. 85

mendationibus animarum reperiuntur. Vtile quoque erit nonnunquam specialem dicere rei & tempori accommodatam; idque idiomate vulgari, si damnatus sit idiota.

Præter consolationes spirituales etiam consolentur captiuum temporaliter, si sit necesse. Promittent igitur Fratres, se parentum, filiorum, fratrum, amicorum, cognatorumque illius curam suscepturos: potissimum autem honori & pudicitiae vxoris, sororum, & filiarum consulturos; quodque in necessitatibus eorum, quantam poterunt, illis opem ferent. Studeant autem Fratres id omne postea re ipsa præstare; ne fides eorum periclitetur in posterum, cum alios iterum consolabuntur.

Temporalis  
consolatio.

*Articulus XIX.*

Omnibus his peractis Confessarius & Fratres diligenter aduigilent, ut considerent, qua in re Diabolus maxime poterit captiuum oppugnare; nec securi sint, etiamsi ille se in manus Domini resignauerit: poterit enim Diabolus singulis penè momentis illi ipsi illudere. ideo necesse est eos non stare otiosos, aut oscitantes esse; sed instent.

Contra temptationes  
Dæmonis quemodo  
muniendus.

286 INSTRVCTIO AD

instent sine intermissione, vt occultif-  
simas quasque tentationes reuelet. Si  
tentetur in fide contra suam volunta-  
tem, moneant eum, ne habeat istius  
tentationis rationem: si sentiat vo-  
luntatem ad consensum propendere,  
exhortentur eum, vt immotus confi-  
stat: fidem enim optimè fundatam à  
Christo, tot Martyrum effuso sangui-  
ne stabilitam, tot miraculis veterum  
& recentium confirmatam. Si impu-  
gnetur desperatione, exaggerent mi-  
sericordiam Dei, vt supra diximus.  
Si oppugnetur impatientia, propona-  
tur illi patientia Christi, Martyrum,  
& aliorum Sanctorum, qui tanta in  
hac vita sustinuerunt. Si ignominio-  
sa mors animum pulset, proponatur  
ei mors Filij Dei: quæ fuit ignomini-  
osissima. mors quoq; S. Petri, Andreæ  
& aliorum Sanctorum: adduci quoq;  
possunt exemp<sup>ta</sup> quædam Principū,  
& magnatum, qui ignominiosiore  
mortem, minorem fortè ob causam,  
quàm ille, obierunt. Si tentetur quod  
mori debet innocens, cum non sit re-  
us criminis impositi, consideret in-  
nocentiã Christi benedicti, & Marty-  
rum eius: qui verè fuerunt innocen-

Reginæ Sco-  
tiæ, Comi-  
tis Arunde-  
liæ, Nortfol-  
ciæ, Mori,  
Bosensis, &  
aliorum.

#### IVVANDOS MORIENTES. 87

tes: ipse autem non tam innocens est, ut non pro alijs delictis occultis, aut hęc, aut aliam mortem peiorem mereatur; quę mors nihilominus illi in futura vita maioris erit coronę materia: quinetiam in hac vita, si moriatur ut bonum & pium Christianum decet. Si tentetur odio & cupiditate vindictę; meminerit quomodo Christus orauerit pro crucifigentibus se: quomodo Stephanus pro lapidantibus se; quomodo Sanctus Iacobus & alij SS. ex animo remiserint his, a quibus interficiebantur. Idipsa & Ethnici quidam facere potuerunt. Sic de Atheniensium quodam Duce legimus, quod filio mandauit, ne iniuriarum sibi ab Atheniensibus illatarum recordaretur, qui tamen post multa ab ipso accepta beneficia, eum ad mortem condemnarunt. Si vratur desiderio longioris vitę, demonstrat illi Consolator, quęm misera est hęc vita, si cum altera illa futura conferatur; poteritque nonnullas molestias illius, & felicitates huius recensere: nec non & reuelationes aliquot de gloria beatorum commemorare. Si tentetur amore amicorum,

corum,

88: INSTRVCTIO AD  
corum, aut cognatorum; meliores &  
plures amicos inuenturus est in cœ-  
lo: illic inueniet Patrem cœlestem, &  
Christum Dominum nostrum, qui  
non dedignatus est noster esse frater:  
ibi inueniet beatissimam matrem Ma-  
riam, & omnes beatos spiritus. Quod  
si societas vnus beati faciat nos obli-  
uisci omnium, etiam maximarū hu-  
ius mundi voluptatū; ecquid erit ha-  
bitare in societate totius aulæ cœle-  
stis, vt diuina visione fruamur? D. Pe-  
trus ob breuissimum experimentum,  
quod in mōte Thabor habuit de glo-  
ria cœlesti, statim omnium rerum hu-  
ius vitæ oblitus est.

Hæc, aliaque iam dicta, possunt fra-  
tres ad consolationem damnati expli-  
care. licetbitque subiungere, se quo-  
dammodo illi inuidere, quod morte  
tam breui transibit ad vitam veram;  
vbi non est planctus, aut dolor, aut vl-  
la molestia: vbi habebit omne, quod  
vult, & nō poterit velle, nisi quod bo-  
num est. Oculus non vidit, nec auris  
audiuit, nec in cor hominis ascendit  
felicitas, quam Dominus electis suis  
præparauit: cuius beatitudinis capti-  
uus mox erit particeps, omnibus do-  
loribus;

IVVANDOS MORIENTES. 89

loribus, infirmitatibus, laboribus, periculis, calamitatibus, infortunijs & miserijs huius vitæ finem imponens, liberabitur ab ipsa morte, & de hoc exilio ad patriam, de carcere ad regnum transibit: & quod amplius est, securus erit quod posthac Deum non offendet. Repetat etiam Confessarius sæpe, an ne habeat adhuc aliquid confitendum, cuius antea non meminerat. Et si nihil occurrat, exhortetur illum ad sequentem protestationem faciendam.

PROTESTATIO QVAE

*fieri debet ab afflicto, priusquam sanctissimam communionem accipiat, aut quandocunque id Confessario videbitur expedire.*

**I**N nomine Sanctissimæ Trinitatis, Patris, Filij, & Spiritus Sancti. Ego miser peccator pretiosissimo sanguine Domini nostri Iesu Christi, nõ merito meo, sed ex superabundanti illius erga me charitate redemptus: protestor coram Deo, Beata Virgine, S. Mi-